



NË EMËR TË POPULLIT

Më
 Dita

19. 09. 2017

GJYKATA THEMELORE NË FERIZAJ- DEPARTAMENTI PER KRIME

TE RENDA-si gjykatë e shkallës së parë, me gjyqtaren individuale Hysnije Gashi si dhe me zyrtaren ligjore Albana Ujupi, në lenden penale kundër të akuzuarit [REDACTED] me vendbanim në Ferizaj, për shkak të veprës penale: lëndim i lehtë trupor nga neni 188 par.1 të KPK-së, sipas aktakuzës së Prokurorisë Themelore në Ferizaj PP.I.nr. 56-1/14 të datës 29 janar 2015, në prani të Prokurorit të shtetit Ismet Rrahmani të akuzuarit [REDACTED] si dhe të dëmtuarës [REDACTED], pas mbajtjes së shqyrtimit gjyqësor me dt. 10.03.2017, mori dhe publikisht shpalli kurse me datë 17.03.2017 përpiloi këtë:

A K T G J Y K I M

I akuzuari: [REDACTED] i lindur me dt. [REDACTED] në [REDACTED] nga i ati [REDACTED] dhe e ëma [REDACTED] e vajzërisë [REDACTED] me vendbanim në Ferizaj rr. " [REDACTED] ka të ka të kryer fakultetin, i pa martuar, prind i dy fëmijëve, shqiptar, shtetas i Republikës së Kosovës.

Ë S H T Ë F A J T O R

Sepse me datën 23.12.2013, në shtëpinë e tij në rrugën " [REDACTED] në Ferizaj, për shkak të një mosmarrëveshjeje me bashkëshorten e tij [REDACTED], ashtu që i pandehuri se bashku me prindërit e tij donte të shkonte në një ndejë tek familjaret e tij, ndërsa dëshironte ta merrte me vete vajzën e përbashkët të tyre, e dëmtuara [REDACTED] kishte refuzuar shkuarjen e vajzës, me pas [REDACTED] ishte nervozuar dhe e kishte goditur atë në koke, duke e përplatur për muri, me ç'rast e dëmtuara pëson lëndime të lehta trupore.

-me të cilën kreu veprën penale lëndim i lehtë trupor nga neni 188 par.1 të KPRK-së.

Andaj, gjykata në bazë të nenit të lartcekur dhe neneve 4,7,17,21,49,50,51 të KPRK-së të KPRK-së, dhe nenit 365 të KPPRK-së, të pandehurin e

G J Y K O N D Ë N I M M E K U S H T

Dënim me burgim në kohëzgjatje prej 4 (katër) muaj i cili dënim nuk do të ekzekutohet nëse i pandehuri në afatin prej një viti nga dita e plotfuqishmërisë së këtij aktgjykimi nuk kryen vepër tjetër penale (koha e verifikimit).

- *E dëmtuara [REDAKTUAR] per realizimin e kërkesës pasurore juridike udhëzohet ne kontestin civil.*
- *Obligohet i akuzuari që në emër të paushallit gjyqësor të paguaj shumën prej 20€ /pesëdhjete euro /, në afat prej 15 ditëve, nga data kur aktgjykimi të merr formën e prerë, si dhe shpenzimet e procedurës ne shumën prej 20€ te nën kërcënimin e përmbarimit të dhunshëm.*

A r s y e t i m i

1. Historiku i procedurës

Prokuroria Themelore në Ferizaj, ka paraqitur aktakuzën PP/I.nr.56-1/14 të datës 29.01.2015 kundër të akuzuarit [REDAKTUAR] për shkak të veprës penale : lëndim i lehtë trupor nga neni 188 par.1 të KPK-së.

Gjykata Themelore në Ferizaj- Departamenti i përgjithshëm, Divizioni penal, duke vepruar në këtë çështje penale caktoi dhe mbajti shqyrtimin gjyqësor me datë 10.03.2017, në të cilat faza i akuzuari u deklarua i pafajshëm, për veprën penale lëndim i lehtë trupor nga neni 188 par.1 të KPK-së.

Prokurori i Shtetit në fjalën përfundimtare, ka mbetur pranë akuzës ndaj të akuzuarit, për shkak të veprës penale lëndim i lehtë trupor nga neni 188 par.1 të KPK-së. Ne shqyrtimin gjyqësor ka deklaruar se nga provat te cilat do te administrohen e sidomos

nga dëshmia e dëshmitares – te dëmtuarës si dhe provat te tjera te cilat gjinden ne shkresat e lendes, mendimi i ekspertit te mjekësisë ligjore do te vërtetohet se i pandehuri ka kryer veprën penale te përshkruar si ne dispozitiv te aktakuzës, duke i kërkuar gjykatës që i akuzuari të shpallet fajtor dhe ti shqiptohet dënimi për këto vepra penale.

2. Mbrojtja e të akuzuarit

I akuzuari në shqyrtimit gjyqësor nuk ka pranuar fajësinë për veprën penale lëndim i lehtë trupor nga neni 188 par.1 të KPK-së

I njëjti ka deklaruar se e shfrytëzon te drejtën për te u mbrojtur ne heshtje mbes pranë deklaratës se dhënë ne stacionin policor me date 26.12.2013.ku ka deklaruar me te dëmtarë është martuar ne vitin 2000 dhe nga ajo martesë ka dy fëmijësa i përket ditës kritike ka deklaruar se me të dëmtaren ka pas një mosmarrëveshje dhe se e ka shtyre ish bashkëshorten e tij por mohon faktin se e ka goditur në kokë duke e përplasur për muri.

3. Provat e paraqitura në shqyrtimin gjyqësor

Pasi që i akuzuari, nuk ka pranuar fajësinë për veprën penale lëndim i lehtë trupor nga neni 188 par.1 të KPK-së, Gjykata ka bërë paraqitjen e provave dhe pas vlerësimit të tyre një nga një dhe duke i ndërlidhur reciprokisht njëri me tjetrën, në kuptim të dispozitës së nenit 361 par. 1 dhe 2 të KPPK-ës, vërtetoj gjendjen faktike të përshkruar hollësisht në dispozitivin e këtij aktgjykimi:

Gjykata gjendjen e këtillë faktike e ka vërtetuar përmes provave të prezantuara në shqyrtimin gjyqësor dhe atë:

- Nga dëshmia e dëshmitares- te dëmtuarës [REDACTED];
- nga përmbajtja e raportit të Qendrës Emergjente ne Ferizaj të datës 24.12.2013 si dhe raportit te ekspertit mjeko- ligjor [REDACTED] i datës 29.12.2013.

4.Vlerësimi i provave të paraqitura në shqyrtimin gjyqësor

Fillimisht Gjykata vlerëson si të pakontestueshme dhe të provuara faktet dhe rrethanat e mëposhtme:

Se me datën 23.12.2013, në shtëpinë e tij në rrugën “ [REDAKTUAR] në Ferizaj, për shkak të një mosmarrëveshje me bashkëshorten e tij [REDAKTUAR] ashtu që i pandehuri se bashku me prindërit e tij donte të shkonte në një ndeje tek familja e tij, ndërsa dëshironte ta merrte me vete vajzën e përbashkët të tyre, e dëmtuara [REDAKTUAR] e kishte refuzuar shkuarjen e vajzës, me pas [REDAKTUAR] ishte nervozuar dhe e kishte goditur atë në koke, duke e përplasur për muri, me ç’rast e dëmtuara pëson lëndime të lehta trupore.

Gjykata gjendjen faktike e vërtetoi në duke u bazuar nga dëshmia e dëshmitares- [REDAKTUAR] nga përmbajtja e raportit të Qendrës Emergjente në Ferizaj të datës 24.12.2013 si dhe raportit të ekspertit mjeko- ligjor [REDAKTUAR] i datës 29.12.2013. të cilat gjenden në shkresat e lëndës vërtetoi gjendjen e fakteve si në dispozitiv të këtij aktgjykimi.

5. Vlerësimi i tezës së mbrojtësit të akuzuarit

Duke vlerësuar pretendimet e mbrojtësit të akuzuarit, av. [REDAKTUAR] të paraqitur në fjalën përfundimtare, i cili ka kërkuar lirim nga akuza duke pretenduar se për veprën penale lëndim i lehtë trupor nga neni 188 par.1 të KPK-së prokuroria nuk ka ofruar prova të mjaftueshme për të mbështetur pretendimet e saj, Prokuroria ka mbështetur aktakuzën nga deklarata e “te dëmtuarës” [REDAKTUAR] e cila e kishte denoncuar bashkëshortin e saj jashtëmartesore se kinse i njëjti ka ushtruar dhunë ndaj saj”, po ashtu edhe nga deklarata e ekspertit mjeko- ligjor [REDAKTUAR] i cili kishte kryer një ekspertizë në bazë të kërkesës së prokurorit të çështjes.

Mbrojta konsideron se prokuroria nuk ka ofruar prova të mjaftueshme për të mbështetur pretendimet e saj në rastin konkret kemi 2 prova dhe atë deklaratat e palëve të dëmtuarës dhe të akuzuarit si dhe një provë e cila është marrë me vonë në rrethana të pasqaruara dhe jo bindëse (arsyetimi i te dëmtuarës lidhur me paraqitjen e saj të mjeku pas ngjarjes).

Gjykata nuk duhet t’ia falë besimin ekspertizës mjeko- ligjore, me që e njëjta është marrë në mënyrë jo të rregullt dhe po ashtu e njëjta është jo serioze sepse vlerësimet kanë ardhur nga dy raporte mjekësore të dorëzuara në polici një ditë me vonë, ndërsa ekspertiza mjeko ligjore është përpiluar shumë me vonë dhe e njëjta është bërë pa ekzaminimin personal të pacientit.

Por Gjykata vlerëson se pretendimet e mbrojtësit të të akuzuarit janë të paqëndrueshme, ne baze të të gjitha provave të rastit , dhe ata mendimi dhe konstatimi i ekspertit mjeko –ligjor Dr.l [REDAKTUAR] i datës 29.12.2014 vërtetohen dëmtimet Ndrydhje dhe përdredhje të unazave të qafës e që këto lëndime janë shkaktuar nga veprimi mekanik i mjetit të fortë, mbrejtës(jo të mprehte cilat janë kualifikuar si dëmtime të lehta trupore, me pasoja të përkohshme të shëndetit, shkresave të cilat gjenden në dosjen e lëndes të deklarimeve të dëshmitares – të dëmtuarës ka vërtetuar gjendjen faktike si në dispozitiv të këtij aktgjykimi. Vlerësuar nga aspekti juridik gjykata gjeti se në veprimet e të akuzuarit manifestohen të gjitha tiparet e veprës penale lëndim i lehtë trupor nga neni 188 par.1 nënpar 1.4 të KPK-es.

6. Vlerësimi ligjor i veprimeve të akuzuarit

Gjykata vlerëson se në veprimet e të akuzuarit, janë plotësuar të gjitha elementet qenësore të figurës së veprës penale lëndim i lehtë trupor nga neni 188 par.1 të KPK-së.

7. Vlerësimi lidhur me dënimin e shqiptuar

Me rastin e matjes së llojit dhe lartësisë së dënimit për të akuzuarin, Gjykata vlerësoj rrethanat në kuptim të nenit 73 të KPK-ës rrethanë lehtësuese nuk gjeti, ndërsa si rrethane renduese mospranimin e fajësisë edhe përkundër provave të qarta materiale.

Gjykata është e bindur se me anë të këtij dënimi është e pritshme të arrihet qëllimi i përgjithshëm i dënimeve i paraparë në nenin 41 të KPK-ës, dhe me këtë dënim që është në proporcion me peshën e veprës penale dhe shkallën e përgjegjësisë penale të të akuzuarit, rrethanat dhe mënyrën e kryerjes si dhe personalitetin e të akuzuarit, se me anë të këtij dënimi do të arrihet qëllimi i dënimit, parandalimi i kryesit nga kryerja e veprave penale në të ardhmen (preventiva speciale) si dhe njëkohësisht do të arrihet edhe qëllimi tjetër që ti përmbaj personat e tjerë nga kryerja e veprës penale (preventiva gjenerale), se përmes këtij dënimi do të shprehë gjykimin shoqëror për veprën penale, ngritjen e moralit dhe forcimin e detyrimit për respektimin e ligjit.

8. Shpenzimet procedurale

Konform neneve 450 dhe 453 të KPPK-ës, Gjykata obligoi të akuzuarit që në emër të paushallit gjyqësor. Obligohet i akuzuari që në emër të paushallit gjyqësor të paguaj shumën prej 20€ /njetzet euro/, në afat prej 15 ditëve, nga data kur aktgjykimi të merr formën e prerë, si dhe shpenzimet e procedurës në shumën prej 20€ të nën kërcënimin e përmbarimit të dhunshëm.

Nga arsyet e sipër cekura është vendosur si në dispozitiv të këtij aktgjykimi.

GJYKATA THEMELORE NË FERIZAJ

P.nr.120/15 dt. 17.03.2017

Sekretare juridike
Albana Ujupi

Gjyqtari,
Hysnije Gashi

KËSHILLA JURIDIKE: Kundër këtij aktgjykimi është e lejuar ankesa, Gjykatës së Apelit në Prishtinë në afat prej 15 ditësh nga dita e pranimin të kopjes me shkrim të këtij aktgjykimi, për mes kësaj Gjykate.